



“TASDIQLAYMAN”

“Olmaliq KMK”AJ

**Boshqaruv raisining
o‘rinbosari - Bosh muhandis**

S.V. Larionov

2026-yil “10” iyul

**“Olmaliq KMK”Ajda 2026-yil I-yarim yillik davomida
(1-yanvar – 30-iyun) uchun Korrupsiyaga qarshi kurashish
tizimining amal qilishi haqida
UMUMIY HISOBOT**

**I. “Olmaliq KMK”AJ Korrupsiyaga qarshi chora-tadbirlar dasturi
bajarilgani to‘g‘risida umumiy axborot.**

Kombinat tomonidan korrupsiyaga qarshi kurashish tadbirlari amalga oshirilishi ta‘minlangan.

Chunonchi, “Olmaliq KMK”AJ Markaziy apparati bo‘linmalari hamda barcha 44ta tarkibiy korxonalarda korrupsiyaga qarshi kurashish tadbirlarini amalga oshirish ta‘minlangan.

“Ernst and Young Advisory” konsalting auditorlik kompaniyasi bilan hamkorlikda quyidagi ishlar amalga oshirilgan:

- “Olmaliq KMK”AJning korrupsiyaga qarshi kurashish menedjment tizimi (KQKMT) batafsil qayta ko‘rib chiqilgan;

- 19 ta ichki lokal hujjatlar ishlab chiqilgan va tasdiqlangan;

- “Olmaliq KMK”AJning tashqi va ichki korrupsiyaviy xavf-xatarlar omillari tahlili o‘tkazilgan, korrupsiyaga qarshi kurashish sohasidagi Chora-tadbirlar (Yo‘l xaritasi) tasdiqlangan;

- “Olmaliq KMK”AJning korrupsiyaviy xavf-xatarlari baholanib, Kombinatning birlashtirilgan Umumiy korrupsiyaviy xavf-xatarlar xaritasi tasdiqlangan;

- “Olmaliq KMK”AJning korrupsiyaviy xavflarga moyilligi yuqori bo‘lgan lavozimlari ro‘yxati tuzilgan va tasdiqlangan;

II. Siyosat va tartib-taomillar

“Olmaliq KMK”AJda PQ-81-son Qaror bilan tasdiqlangan “Samaradorlik reytingi”ning 1.1.1.-son Indikator topshiriq bandida keltirilgan barcha 19ta Korrupsiyaga qarshi kurashish bo'yicha ichki idoraviy hujjatlar ishlab chiqilgan va tasdiqlangan va ular Kombinat markaziy apparati (44ta bo'linmalar) hamda 47ta tarkibiy korxonalarda bosqichma-bosqich joriy qilinmoqda.

Bundan tashqari, qo'shimcha ravishda Kuzatuv kengashi tomonidan 2022-yil 5-iyul sanasidagi 17-son Protokol qarori bilan yana - 2ta hujjat qabul qilingan. Yuqoridagi ro'yxatda “Olmaliq KMK”AJ Kuzatuv kengashi Majlisining Protokol qarori keltrilmoqda va tasdiqlangan 2ta hujjat ham matni ham E-antikor.uz Platformasining 1.1.1.-Indikator bandi bo'yicha hisobotiga qismiga biriktirildi.

“Olmaliq KMK”AJning korrupsiyaga qarshi kurashish sohasidagi jami hujjatlari soni **2026-yilning 8-iyul holatiga - jami 19ta donani tashkil qilmoqda.**

Bundan tashqari, Davaktiv agentligining 2023-yil 23-iyundagi №03/09-2-17/3005-son hatiga asosan Davaktiv agentligi tomonidan Osiyo taraqqiyot banki hamda Yevropa tiklanish va taraqqiyot banki ekspertlari bilan hamkorlikda ishlab chiqilgan yangi tahrirdagi “Korporativ boshqaruv qoidalari”, “Axloq kodeksi”, “Korrupsiyaga qarshi kurashish siyosati”, “Manfaatlar to'qnashuvini boshqarish siyosati” va “Qoidabuzarliklar haqida xabardor qilish siyosati” kabi (jami besh dona) hujjatlar loyihalari Kombinatning o'z faoliyat yo'nalishlaridan hamda o'ziga xos xususiyatlaridan kelib chiqqan holda qayta ishlab chiqildi hamda “Olmaliq KMK”AJ Kuzatuv kengashining 2023-yilning 30-avgustdagi 14-son Bayyonnoma yigilishi qarori bilan tasdiqlandi.

Yuqorida qayd qilingan yangi tahrirdagi 3ta lokal normativ hujjatlar Boshqaruv raisining 2024-yilning 21-fevraldagi 0220-son buyrug'i bilan amaliyotga joriy qilinmoqda.

“Olmaliq kon-metallurgiya kombinati”AJ markaziy apparati bo'linmalari hamda tarkibiy korxonalarida korrupsiyaga qarshi kurashish bo'yicha Komplayens tizimini joriy etishga oid ichki normativ hujjatlar ro'yxati:

(Izoh: №1 Ichki normativ hujjatlarning ro'yxati quyida keltirilmoqda 2026-yilning 8-iyul holatiga tuzilgan.)

Izoh: №2 Ro'yxatda ko'rsatilgan hujjatlar matni bilan, “Olmaliq KMK”AJning rasmiy veb sahifasidagi quyidagi havolalar yordamida

Davlat tili, Rus tili va Ingliz tilidagi matnlari bilan erkin tanishish imkoniyati yaratilgan):

Davlat (lotin alifbosida) tilida: <https://agmk.uz/oz/menu/korrupsiyaga-oid-hujjatlar>

Rus tilida: <https://agmk.uz/ru/menu/korrupsiyaga-oid-hujjatlar>

Ingliz tilida: <https://agmk.uz/en/menu/korrupsiyaga-oid-hujjatlar>

1. “Olmaliq kon-metallurgiya kombinati”AJning Komplayens xizmati to‘g‘risidagi Nizom” (N 00193950-90-01-2022);
2. “Olmaliq kon-metallurgiya kombinati” AJ Komplayens xizmati boshlig‘ining Lavozim yo‘riqnomasi” (Y 00193950-90-02-2022);
3. “Olmaliq kon-metallurgiya kombinati”AJning Korrupsiyaga qarshi Siyosati” (S 00193950-90-03-2022);
4. “Olmaliq kon-metallurgiya kombinati”AJning Odob-axloq Kodeksi” (K 00193950-90-04-2022);
5. “Olmaliq kon-metallurgiya kombinati”AJda Manfaatlar to‘qnashuvini boshqarish to‘g‘risidagi Nizom” (N 00193950-90-05-2022);
6. “Olmaliq kon-metallurgiya kombinati”AJ markaziy apparati bo‘linmalari hamda tarkibiy korxonalarida korrupsiyaviy xavf-xatarlarni majburiy tartibda aniqlash, baholash va ularni kamaytirish Uslubiyoti” (U 00193950-90-06-2022);
7. “Olmaliq kon-metallurgiya kombinati”AJning kontragentlarini (ishbilarmon hamkorlarini, investorlari, sheriklarini) tekshirish tartibi bo‘yicha Yo‘riqnoma” (Y 00193950-90-07-2022);
8. “Olmaliq kon-metallurgiya kombinati”AJ xodimlarining odob-axloq qoidalarini hamda korrupsiyaga qarshi kurashish sohasida o‘qitishni tashkil qilish bo‘yicha Yo‘riqnoma” (Y 00193950-90-08-2022);
9. “Olmaliq kon-metallurgiya kombinati”AJda tashkil qilingan aloqa kanallari orqali tizimdagi korrupsiyaviy xatti-harakatlar hamda huquqbuzarliklar to‘g‘risida kelib tushgan xabarlarni qabul qilish va ko‘rib chiqish Reglamenti” (R 00193950-90-09-2022);
10. “Olmaliq kon-metallurgiya kombinati”AJga ishga qabul qilinayotgan nomzodlarni tekshirish tartibi bo‘yicha Yo‘riqnoma” (Y 00193950-90-10-2022);
11. “Olmaliq kon-metallurgiya kombinati”AJ xodimlari tomonidan sodir etilgan korrupsiyaviy xatti-harakatlar va xizmatdagi odob-axloq qoidalarini buzish holatlari yuzasidan xizmat tekshiruvlarini o‘tkazish tartibi to‘g‘risidagi Reglament” (R 00193950-90-11-2022);

12. "Olmaliq kon-metallurgiya kombinati" AJda korrupsiyaga qarshi kurashish bo'yicha joriy qilingan tartib-taomillarning samaradorligini monitoring va nazorat qilish Uslubiyoti" (R 00193950-90-12-2022);

13. "Olmaliq kon-metallurgiya kombinati" AJda korrupsiyaga qarshi kurashish boshqaruv tizimining holati to'g'risidagi hisobotni shakllantirish va taqdim etish tartibi to'g'risidagi Nizom" (N 00193950-90-13-2022);

14. "Olmaliq kon-metallurgiya kombinati" AJda sodir etilgan korrupsiyaviy huquqbuzarliklar haqida xabar bergan yoxud korrupsiyaga qarshi kurashishga boshqa tarzda ko'maklashgan shaxslarni rag'batlantirish tartibi to'g'risidagi Nizom" (N 00193950-90-14-2022);

15. "Olmaliq kon-metallurgiya kombinati" AJda monopoliyaga qarshi Komplayens tizimini joriy qilish va uning ishlash tartibi to'g'risidagi Nizom" (N 00193950-90-15-2022);

16. "Olmaliq kon-metallurgiya kombinati" AJning korrupsiyaga qarshi kurashish bo'yicha faoliyatni amalga oshiruvchi davlat organlari bilan o'zaro hamkorlik qilish tartibi to'g'risidagi Nizom" (N 00193950-90-16-2022);

17. "Olmaliq kon-metallurgiya kombinati" AJ xodimlari tomonidan xizmat safarlari, xalqaro, mahalliy va boshqa tadbirlar munosabati bilan olinishi va berilishi mumkin bo'lgan sovg'alar qiymati (soni), shuningdek ularni tasarruf etish tartibi to'g'risidagi Nizom".

Bundan tashqari, "Olmaliq KMK" AJning Kuzatuv kengashi tomonidan 2022-yil 5-iyuldagi 17-son Protokol qarori bilan:

1. "Olmaliq kon-metallurgiya kombinati" AJ Kuzatuv kengashining Korrupsiyaga qarshi kurashish va etika qo'mitasi to'g'risidagi Nizom (N 00193950-90-01-2022). (asos: 2022-yil 8-apreldagi PF-101-son Farmonning 14-bandiga muvofiq ishlab chiqilgan).

2. "Olmaliq kon-metallurgiya kombinati" AJning Yetkazib beruvchilarini (ta'minotchilarini/pudratchilarini) mas'uliyatli tanlash uchun ta'minot (pudrat) zanjirlarini lozim darajada tekshirish bo'yicha Siyosati" (S 00193950-90-02-2022). (asos: O'zbekiston Respublikasi Prezidentining Olmaliq shahriga tashrifi 2021-yil 29-dekabrda №02-RA 1-20838-son topshiriq bilan tasdiqlangan 22-dekabrda 56-son bayonning 10.2.-bandiga muvofiq ishlab chiqilgan).

III. Korrupsiyaviy xavf-xatarlarni baholash ishlari

O'zbekiston Respublikasi Prezidentining 2022-yil 11-maydagi PQ-240-son qaroriga asosan "Olmaliq KMK" AJning Ustavida belgilangan barcha funktsiya va vazifalar korrupsiyaviy xavf-xatarlarni aniqlash bo'yicha dastlabki baholash **2026-yilning 16-fevralda yakuniga yetkazilgan.**

Davlat tashkilotlari o'z faoliyatida korrupsiyaviy xavf-xatarlarni majburiy aniqlash va baholash ishlarini O'zbekiston Respublikasi Korrupsiyaga qarshi kurashish agentligi (2022-yil 31-avgust, 2-son) va O'zbekiston Respublikasi Adliya Vazirligining (2022-yil 31-avgust, 5-son) qarori bilan tasdiqlangan va **3383-son** bilan davlat ro'yxatidan o'tkazilgan "Davlat hokimiyati va boshqaruvi organlari, shu jumladan ularning hududiy bo'linmalari, davlat unitar korxonalari va muassasalari, **davlat ulushi 50 foizdan yuqori tashkilotlar faoliyatida korrupsiyaviy xavf-xatarlarni aniqlash va baholash**" **Uslubiyoti** asosida **"Olmaliq KMK" AJning 2025-yil 4-avgustda yangi tahrirda tasdiqlangan Ustavida belgilangan barcha jami – 66 dona funktsiya va vazifalar**, ularning korrupsiyaviy xavf-xatarlarga moyillik darajasi **baholashdan o'tkazildi.**

Baholash ishlari yakuniga ko'ra, 66ta funktsiya va vazifalardan iborat bo'lib, shundan:

- **2 tasi** (3,03%) – Yuqori;
- **14 tasi** (21,21%) – O'rta;
- **50 tasi** (75,75%) – Past. deb e'tirof etildi.

Funktsiya va vazifalar (vakolatlarining) korrupsiyaviy xavf-xatarlarga moyillik darajasini baholash O'zbekiston Respublikasi Adliya Vazirligida 2022-yil 31-avgust sanasida ro'yxatdan o'tkazilgan **3383-son Uslubiyotning 2-ilovasidagi mezonlar asosida amalga oshirildi.**

Baholashdan o'tkazilgan barcha funktsiya va vazifalarning (vakolatlarining) jarayonlar ustunidagi tavsiflari batafsil yoritildi.

Tegishli ustunda tartib taomillarning (normativ-huquqiy hujjatlar) rekvizitlari ham batafsil ko'rsatib o'tildi. Aniqlangan xavf-xatarlarni bartaraf etish choralari ustunida har bir funktsiyada unda aniqlangan korrupsiyaviy xavf-xatarlardan kelib chiqqan holda, xavflarni bartaraf etish bo'yicha individual chora-tadbirlar ishlab chiqildi va ularning ijrochilari va muddatlari aniq belgilab qo'yildi.

Baholash ishlari yakuni bilan, "Olmaliq KMK" AJning Korrupsiyaviy **xavf-xatarlar Xaritasi** shakllantirildi;

Xarita asosida aniqlangan korrupsiyaviy xavf-xatarlarni bartaraf etish bo'yicha **Dastur** ishlab chiqildi va Korrupsiyaviy xavf-xatarlarga moyilligi yuqori va o'rta deb baholangan **Lavozimlar ro'yxati** ham shakllantirildi.

Barcha hujjatlar o'rnatilgan tartibga muvofiq, ko'rib chiqish va kelishish uchun **E-anticor.uz Platformasi** orqali **Antikor.Agentlikka** yuborildi.

Bundan tashqari, **E-anticor Platformasi** orqali Agentlikka 2026-yilning 16-fevral holatiga, Kombinatning "**Korrupsiyaviy xavf-xatarlar Xaritasi**", "**Korrupsiya xavfiga eng ko'p moyil bo'lgan funktsiya va lavozimlar ro'yxati**" ham yuborilgan.

Shuningdek, 2026-yil 22-iyun sanasida **Antikor.Agentlikning** taklif va e'tirozlari asosida qayta baholangan korrupsiyaviy xavf-xatarlar **Xaritasi** hamda korrupsiya xavfiga eng ko'p moyil bo'lgan funktsiyalar va **Lavozimlar ro'yxati** ham **E-anticor platformasi** orqali **Agentlikka** taqdim etilgan.

IV. Manfaatlarni to'qnashuvini tartibga solish.

2026-yilning I-yarim yillida (1-yandardan – 30-iyungacha bo'lgan davr mobaynida) Kombinatda markaziy apparati, (departament, boshqarma, xizmat, bo'lim, sektor, ofis, kotibiyat, byuro va boshqalar) hamda tarkibiy korxonalar, zavod, fabrika, sex, kon va ruda boshqarmalari, direksiya, uchastka, laboratoriya va boshqalar) kesimida, boshqaruv xodimlari, rahbar xodimlar, injener-texnik toifaga mansub xodimlar (Qonunning 3-moddasi, ikkinchi xatboshisi asosida - <https://lex.uz/docs/6952745>) tomonidan barcha **5447ta rahbar (boshqaruv) toifasiga mansub xodimlar tomonidan Manfaatlarni to'qnashuviga oid deklaratsiyalar to'ldirilishi ta'minlandi.**

Ta'kidlash joizki, "Olmaliq KMK" AJ Boshqaruvi raisining 2022-yil 31 oktabrdagi 001258-son Buyrug'i bilan "Olmaliq KMK" AJda Manfaatlarni to'qnashuvini boshqarish to'g'risida"gi Nizom tasdiqlangan.

Mazkur hujjat bilan Kombinat markaziy apparati hamda tarkibiy korxonalarda manfaatlarni to'qnashuvining oldini olish va bartaraf etish tartibi, shuningdek, manfaatlarni to'qnashuvini deklaratsiya qilishning qoidalari belgilangan.

Nizomga muvofiq, Kombinat markaziy apparati hamda tarkibiy korxonalarda manfaatlarni to'qnashuvi holatlari kelib chiqishining oldini olish maqsadida, quyidagi holatlarda xodimlar tomonidan deklaratsiyalar taqdim etilishi majburiyligi qoidasi belgilangan va ayni kunda mazkur qoida amaliyotda qo'llab kelinmoqda, chunonchi quyidagi holatlarda:

- vakant bo'lgan bo'sh ish o'rinlarga nomzodlarni lavozimga tayinlash va (yoki) xodimlar yuqori lavozimga yohud rotatsiya qilinganda, bunday xodimlar tomonidan tegishli deklaratsiyalar to'ldirilib taqdim etiladi;

- barhca xodimlar tomonidan yillik deklaratsiyalar majburiy tartibda to'ldiriladi va taqdim etiladi;

- real (mavjud) yoki potensial (extimoliy) manfaatlar to'qnashuvi holatlari yuzaga kelganligi fakti munosabati bilan ham xodimlar tomonidan deklaratsiyalar to'ldiriladi va taqdim etiladi.

Ma'lumki, Mehnat Kodeksining 121-moddasiga ko'ra, umumiy qoida sifatida, "o'zaro yaqin qarindoshlar yohud quda tomondan qarindosh bo'lgan shaxslarning aynan bitta davlat tashkilotida birga xizmat qilish"lari ta'qiqlangan.

Biroq, Mehnat Kodeksining 121-moddasining ikkinchi qismiga muvofiq, ushbu qoidadan istisnolar O'zbekiston Respublikasi **Vazirlar Mahkamasi tomonidan belgilanishi mumkinligi ko'rsatilgan.**

Shunga ko'ra, Vazirlar Mahkamasining 2024-yil 14-noyabrdagi 758-son qarori (<https://lex.uz/ru/docs/7220862>) bilan iqtisodiyot va ijtimoiy sohaning jami - 17ta soha, tarmoq va yo'nalishlarda, o'zaro yaqin qarindoshlarning birga ishlashlarini cheklash to'g'risidagi qoidalardan istisnolarga yo'l qo'yilishi mumkin bo'lgan davlat tashkilotlari **xodimlarining Ro'yxati** (keyingi o'rinlarda matnda – **Istisnolar Ro'yxati deb yuritiladi**) tasdiqlangan.

Ayni shu asosga ko'ra hamda "Normativ-huquqiy hujjatlar to'g'risida"gi Qonunning 20-moddasiga asoslanib, "Olmaliq KMK" AJ tomonidan O'zbekiston Respublikasi Tog'-kon va metallurgiya sanoati vazirligi bilan hamkorlikda "**tashabbus tartibida**" Vazirlar Mahkamasining 2024-yil 14-noyabrdagi 758-son qarori bilan tasdiqlangan **Istisnolar ro'yxatiga qo'shimcha kiritish haqida tegishli Qaror loyihasi ishlab chiqildi.**

Vazirlar Mahkamasining Reglamentiga muvofiq, normativ-huquqiy hujjat loyihasi Project.uz platformasi orqali manfaatdor vazirlik va idoralar bilan o'rnatilgan tartibda kelishildi, shuningdek loyiha yuzasidan Adliya vazirligining loyihani qabul qilishning maqsadga muvofiqligi to'g'risidagi huquqiy xulosasi olindi.

Ta'kidlash joizki, ushbu Qaror loyihasi bilan Kombinatning faqatgina ishchi va xodimlar toifasi (Kombinat jami xodimlarning taxminan 70-75 foizini) qamrab olindi xolos.

Yani, Vazirlar Mahkamasining 2025-yil 30-iyundagi №VMQ-400-son Qarori bilan kiritilgan qoshimchalarga muvofiq, Kombinatning Boshqaruv a'zolari, rahbariyat hamda injener-texnik xodimlar, shuningdek buxgalterlar, bosh buxgalterlar, Hrga ma'sul xodimlar, omborchilar, kassirlar, xaridlar va sotish uchun ma'sul bo'lgan xodimlar uchun manfaatlar to'qnashuvi hamda mehnat qonunchiligida belgilangan qarindoshlarning birga ishlashiga oid qoidalar, **cheklov va ta'qiqlar to'liq hajmda saqlab qolindi.**

Shu bilan birga, Vazirlar Mahkamasining 2025-yil 30-iyundagi №VMQ-400-son Qarorining qabul qilinishi quyidagi muammolarni hal etishda huquqiy asos vazifasini o'taydi:

Chunonchi,

- "Manfaatlar to'qnashuvi to'g'risida"gi Qonun ijrosini samarali tashkil etishda "tog'-kon va metallurgiya sanoati korxonalari" ishchi va xodimlari, shuningdek sohadagi yuqori malakali mutaxassislarining huquq va manfaatlariga so'zsiz rioya etilishini ta'minlash;

- "tog'-kon va metallurgiya sanoati" korxonalarining yuqori malakali ishchi va xodimlar hamda mutaxassislarga bo'lgan ehtiyojini o'z vaqtida va to'liq hajmda qoplash;

- "tog'-kon va metallurgiya sanoati korxonalari"da xodimlar qo'nimsizligining oldini olish;

- "tog'-kon va metallurgiya sanoati korxonalari"dagi ijtimoiy va siyosiy vaziyatni barqaror saqlash;

- ishlab chiqarish ko'rsatkichlarini muntazam oshirish va barqaror saqlash;

- Davlat hamda Hukumat Rahbarining bevosita ko'magi va nazorati ostida amalga oshirilayotgan strategik ahamiyatga ega bo'lgan, yirik investitsiya loyihalarini muvaffaqiyatli amalga oshirish uchun mustahkam huquqiy zamin bo'lib xizmat qiladi.

Korrupsiyaga qarshi qoidalarni Tashkilot shartnomalariga kiritish

Korrupsiyaga qarshi qoidalar "Olmaliq KMK" AJning 2026-yil I-yarim yilligi davomida (1-yanvardan – 30-iyungacha bo'lgan davrda) imzolangan **barcha 3 722 dona shartnomalarga kiritish 100%ga ta'minlangan.**

Kombinatning barcha xaridlari hamda shartnomalari markazlashgan tartibda Kombinat Xarid komissiyasining rahbari – Boshqaruv raisining tijorat,

xaridlar va mahalliy lashtirish bo'yicha o'rinbosari - K.B.Ismayilov tomonidan imzolanadi.

I-yarim yillikda (Hisobot davrida) Kombinatning kontragentlari tomonidan korrupsiyaga qarshi qoidalarni shartnomalarga kiritishni rad etish holatlari kuzatilmadi.

Shuningdek, 2026-yilning 1-yarim (yanvar-iyun) yillik davrida Kombinatning ish beruvchi sifatida xodimlar bilan tuzilgan barcha **975 (100%)** mehnat shartnomalariga ham Kombinat markaziy apparatidagi **Inson resurslari (HR) departamenti** rahbari (Shavkat I.Dusimbetov) tomonidan **barcha mehnat shartnomalariga ham korrupsiyaga qarshi qoidalar kiritish ta'minlangan.**

Kontragentlarni tekshirish ishlarining holati

"Olmaliq KMK" AJ Komplayens bo'limi tomonidan tarkibiy bo'linmalar murojaatlari va rahbariyatning tegishli topshiriqlari asosida 2025-yilning I-yarim yilligida o'tkazilgan kontragentlar tekshiruvlari soni **110tani** tashkil qildi.

Komplayens bo'limining tekshiruv yakunlari bo'yicha taqdim etgan xulosalari E-anticor.uz Platformasining **1.2.3.3.** - Indikator bandiga joylashtirildi.

Diqqat muhim! "Olmaliq kon-metallurgiya kombinati" AJning kontragentlarini (ishbilarmon hamkorlarini, sheriklarini) tekshirish tartibi bo'yicha **Yo'riqnoma"** (Y 00193950-90-07-2022)ning **11-12 va 16-bandlariga asosan** Kontragentlarni tekshirish vakolati va majburiyati Kombinatning **Moddiy-texnik ta'minoti boshqarmasi zimmasiga yuklatilgan.**

Vakant ish o'rinlariga nomzodlarni tekshirish xolati.

"Olmaliq KMK" AJda hisobot davrida (2026-yilning I-yarim yilligida) jami **975 nafar yangi xodimlar ishga qabul qilingan.**

Barcha nomzodlar 100% tekshiruvlardan o'tkazilgan. Nomzodlarni tekshirish ishlari Boshqaruv raisining Xavfsizlik bo'yicha o'rinbosari, Kombinat markaziy apparati Maxfiy tartibot bo'limi hamda tarkibiy korxonalaridagi xavfsizlik bo'yicha rahbar o'rinbosarlari tomonidan amalga oshirilgan.

Tasdiqlovchi hujjatlar E-anticor.uz Platformasining **1.2.3.1.-** indikatoriga joylashtirilgan.

V. Ta'lim va kommunikatsiya

"Olmaliq KMK" AJning 2026-yil 17-martdagi UPR/FMSh-26-03-327-son farmoyishi bilan **Kombinatning 32 nafar xodimlari** uchun O'zbekiston

Respublikasi Bosh Prokuraturasi huzuridagi akademiyaning “Korrupsiyaga qarshi kurashish virtual akademiya” elektron platformasida 2026-yil 18-mart – 3-aprel kunlari **“Korrupsiyaga qarshi kurashish menedjment tizimini samarali ishlashini ta‘minlash”** mavzusida maxsus o‘quv kurslari tashkil etildi.

Bundan tashqari, “Olmaliq KMK”AJning 2026-yil 29-apreldagi UPR/FMSh-26-04-547-son farmoyishi bilan **Kombinatning 33 nafar xodimlari** uchun O‘zbekiston Respublikasi Bosh Prokuraturasi huzuridagi akademiyaning “Korrupsiyaga qarshi kurashish virtual akademiya” elektron platformasida 2026-yilning 28-apreldan – 12-may kuniga qadar **“Korrupsiyaga qarshi kurashish menedjment tizimini samarali ishlashini ta‘minlash”** mavzusida o‘quv kurslari tashkil etildi.

Qolaversa, “Olmaliq KMK”AJning 2026-yil 1-iyundagi UPR/FMSh-26-06-719-son farmoyishi bilan **Kombinatning 20 nafar rahbar xodimlari** uchun **ISO 37001:2025 xalqaro standarti** talablari asosidagi o‘quv kursi tashkil etildi.

Hisobot davrida, “Olmaliq KMK”AJ tizimida **2026-yilning I-yarim yilligi** (1-yanvardan – 30-iyungacha bo‘lgan davrda) mobaynida Korrupsiyaga qarshi kurashish bo‘yicha **jami – 75 nafar xodimlari o‘qitilishi ta‘minlandi**.

Bundan tashqari, “Olmaliq KMK”AJ 2026-yilning I-yarim yilligida O‘zbekiston Respublikasi Korrupsiyaga qarshi kurashish agentligi tomonidan tashkil qilingan seminar va oquv treninglarning barchasida **Kombinatning Komplayens bo‘limi, Inson resurslari(HR) departamenti hamda Axborot xizmati (Matbuot xizmati), Moddiy-tehnika ta‘minoti, Sotish va metallurgiya xom ashyosi boshqarmalarining ma‘sul xodimlari ishtiroki ta‘minlandi**.

“Olmaliq KMK”AJ Boshqaruv Raisi, Senat a‘zosi – A.X.Xursanovning korrupsiyaga qarshi kurashish va uning oldini olish yuzasidan xodimlar va biznes hamkorlarga yo‘llagan murojaati Kombinatning rasmiy veb-sahifasida davlat tilida, rus va ingliz tillarida joylashtirilgan.

(<https://agmk.uz/oz/vystuplenija/okmk-boshqaruv-raisi-abdulla-xursanovning-murojaati> – davlat tilida),

(<https://agmk.uz/ru/vystuplenija/okmk-boshqaruv-raisi-abdulla-xursanovning-murojaati> - rus tilida),

(<https://agmk.uz/en/vystuplenija/okmk-boshqaruv-raisi-abdulla-xursanovning-murojaati> – ingliz tilida).

xursanovning-murojaati – ingliz tilida) va OKMKning rasmiy Telegram kanalida (https://t.me/ao_agmk/45989) ham joylashtirilgan.

“Olmaliq KMK”AJ boshqaruv raisi o‘rinbosari, kombinat odob-axloq Komissiyasi raisi Sa‘di Shermatovning “Olmaliq KMK”AJning barcha darajadagi rahbar hamda boshqaruv xodimlarini kundalik xizmat faoliyatida hamda shaxsiy hayotda yuksak mas‘uliyat, kamtarlik va xizmatdagi odob-axloq qoidalariga qat‘iy rioya etishni, jamiyat va xalq oldidagi mas‘uliyatni bir soniyaga ham unutmaslikni hamda yuksak axloqiy fazilatlarga ega shaxs sifatida shaxsan namuna bo‘lishi so‘ragan murojaati Kombinatning rasmiy veb-sahifasida davlat tilida, rus va ingliz tillarida joylashtirilgan. (<https://agmk.uz/oz/vystuplenija/obraschenie-komissii-po-etike-ao-almalykskij-gmk> - davlat tilida), (<https://agmk.uz/ru/vystuplenija/obraschenie-komissii-po-etike-ao-almalykskij-gmk> - rus tilida), (<https://agmk.uz/en/vystuplenija/obraschenie-komissii-po-etike-ao-almalykskij-gmk> - ingliz tilida) va OKMKning rasmiy Telegram kanalida (https://t.me/ao_agmk/44357) ham joylashtirilgan.

“Olmaliq KMK”AJga ishga ilk marotaba qabul qilingan yosh xodimlarga Korrupsiyaga qarshi kurashish menedjment tizimi yuzasidan tizimli ravishda **“Welcome Training” dasturi** doirasida Kombinat O‘quv markazi tomonidan o‘quv trening mashg‘ulotlarimi o‘tkazish tizimi joriy qilingan.

“Welcome Training” dasturi doirasida, Hisobot davrida – jami 352 nafar yosh xodimlar oqitildi.

Kombinatning Korrupsiyaga qarshi kurashish menedjment tizimini muntazam ravishda takomillashtirib borish, shuningdek, Kombinat mijozlari (biznes hamkorlari) hamda Kombinat xodimlarning fikrini o‘rganish maqsadida “Olmaliq KMK”AJning internet tarmog‘idagi rasmiy **veb-saytida, shuningdek Telegram messendjeridagi kanalida anonim “So‘rovnoma”** (<https://agmk.uz/oz/vote>) hamda (https://t.me/ao_agmk/46284) o‘tkazildi.

Kombinat Axborot xizmatining rasmiy kanali hamda ijtimoiy tarmoqlarda korrupsiyaviy xatti-xarakatlar to‘g‘risida xabar berish uchun mo‘ljallangan aloqa kanallari to‘g‘risida e‘lonlar muntazam ravishda joylashtirib boriladi.

https://t.me/ao_agmk/45880

https://t.me/ao_agmk/45584

https://t.me/ao_agmk/45297

https://t.me/ao_agmk/45128

https://t.me/ao_agmk/44955

https://t.me/ao_agmk/43966
https://t.me/ao_agmk/43631
https://t.me/ao_agmk/43445
https://t.me/ao_agmk/42652
https://t.me/ao_agmk/42366
https://t.me/ao_agmk/41651
https://t.me/ao_agmk/41514
https://t.me/ao_agmk/41349
https://t.me/ao_agmk/40911

VI. Korrupsiyaviy xatti-xarakatlar va huquqbuzarliklar to'g'isidagi xabarlar bilan ishlash holati

“Olmaliq KMK”AJning internet tarmog'idagi rasmiy veb-sahifasi (<https://agmk.uz/ru/menu/helpline->) yoxud elektron pochta manzili orqali (stop.corruption@agmk.uz).

“Olmaliq KMK”AJning ijtimoiy tarmoqlardagi rasmiy kanal va sahifalari (misol uchun Facebookdagi rasmiy sahifasi <http://www.facebook.com/agmkofficial>) orqali.

“Olmaliq KMK”AJning Ishonch telefon raqamlari orqali: (+998 71) 619-23-33; (+998 78) 141-93-33 (Ishonch va boshqa ish telefon raqamlari orqali).

“Olmaliq KMK”AJning telegram boti ([@agmk_bot](https://t.me/agmk_bot)) “Olmaliq KMK”AJ rahbariyati yoxud Komplaens bo'limiga og'zaki (shaxsan) murojaat qilishlari mumkin.

Komplaens bo'limi:

(+998 71) 619-51-16 (Komplaens bo'limi).

(+998 78) 141-90-09 (Kommutator);

(+998 71) 619-51-68 (Ofis-menedjer xizmati – xatlar yuborish uchun).

“Olmaliq KMK”AJning internet tarmogidagi rasmiy web sahifasi havolasi: www.agmk.uz

Telegramm messenjerida – “AGMK-OKMK rasmiy kanali” - https://t.me/ao_agmk

Facebook messenjerida: www.facebook.com/agmkofficial

Youtube videoxostingida: www.youtube.com/c/AGMKuzAlmalik

Instagram messenjerida: www.instagram.com/agmkofficial/

Twitter mikroblogida: https://twitter.com/agmk_official

Ta'kidlash joizki, hisobot davrida yuqorida qayd qilingan aloqa kanallari orqali murojaatlar kelib tushmadi.

VII. Monitoring va nazorat

“Olmaliq KMK” AJning Korrupsiyaga qarshi kurashish yonalishidagi chora - tadbirlari Reja (tashkilotning barcha jarayonlarini, monitoring va nazorat qilinadigan davri va tekshiruv muddatlarini o'z ichiga olgan) qaror, buyruq va farmoyishlari ilovada kiritilmoqda.

Hisobot davrida, 2026-yilning I-yarim yilligida (1-yanvardan – 30-iyungacha bolgan davr mobaynida) Komplayens bo‘limi ishtirokida jami – 24 ta xizmat tekshiruvlari o‘tkazildi.

Ma'lumot uchun: O'rganish, monitoring va nazorat tadbirlarida:

- 112 mln so'm aniqlangan zarar, moliyaviy xato va kamchiliklar;

- 28,6 mln so'm undirilgan zarar miqdori;

- 5,1 mlrd so'm miqdorida maqsadsiz sarf-xarajatlarning oldi olindi;

- 4 nafar xodimning mehnat shartnomasi bekor qilindi;

- 2 nafar xodimga intizomiy jazo chorasi qo'llanildi;

- 16 ta profilaktik tadbirlar o'tkazildi;

- 64 nafar xodimlar “Korrupsiyaga qarshi virtual akademiya”da o'qitildi;

- 600 nafardan ziyod xodimlarga targ'ibot tashviqot tadbirlari o'tkazildi;

- 4 hil targ'ibot va tashviqot materiallari (jami – 296ta dona bannerlar) ishlab chiqildi hamda Kombinat markaziy apparati hamda tarkibiy korxonalarining eng gavjum nuqtalariga o'rnatilishi ta'minlandi.

Komplayens bo‘limi tomonidan Hisobot davrida o‘tkazilgan xizmat tekshiruvlari, monitoring va nazorat tadbirlari to‘grisidagi ma‘lumotlar (aniqlangan kamchiliklar, muammolarni bartaraf etish bo‘yicha asoslantirilgan takliflar, xizmat tekshiruvlarini o‘tkazish uchun asos bo‘lgan buyruqlar nusxalari, ko‘rilgan intizomiy jazo choralariga oid tasdiqlovchi hujjatlar) PQ-81-son Qarorining Samaradorlikni baholash bo‘yicha **E-antikor.uz** Platformasining 1.2.4.5. va 1.2.4.6 indikatorlariga joylashtirildi.

VIII. Aniqlangan qoidabuzarliklar va ularga ta'sir choralari

Hisobot davrida, **Kombinat manfaatlariga yetkazilgan zarar miqdori – 28,590 mln (yigirma sakkiz million besh yuz to‘qson ming) so‘mni tashkil qilgan va ushbu mablag‘lar Kombinat balansiga qaytarilishi ta‘minlangan.**

Qayd etilgan xolat bo‘yicha **3 nafar xodimlar bilan mehnat shartnomasi bekor qilindi.**

IX. Xulosalar

“Olmaliq KMK”AJ tizimida jami 91ta tarkibiy bo‘linmalar mavjud. Shundan 44 ta bo‘linmalar Markaziy apparatda (departament, boshqarma, bo‘lim, xizmat, ofis, kotibiyat, sektor, xizmatlar), yana 46tasi ishlab chiqarishga ixtisoslashgan tarkibiy korxonalar (kon va ruda boshqarmalari, trest, direksiya, zavod va fabrika va sexlar) hisoblanadi.

2026-yilning 1-iyun holatiga, Kombinat tizimida jami - 35 195 nafar ishchi xodimlar mehnat faoliyatini amalga oshirib kelmoqda.

2026-yilning I-yarim yilligi davomida (1-yanvardan – 30-iyungacha qadar) **jami 3 722 dona kontraktlar imzolangan va Kombinat Yuridik departamentidan ro‘yhatdan o‘tkazilgan.**

2021-yilning May oyida, Boshqaruv raisining Buyrug‘iga asosan Kombinatda korrupsiyaga qarshi ichki nazorat tuzilmasi tashkil qilingan.

2026-yil 8-iyul holatiga **Komplayens bo‘limida jami 6ta nafar shtat birliklari** belgilangan bo‘lib, haqiqatda (amalda) **4 nafar xodimlar faoliyat ko‘rsatib kelmoqda.**

X. “Olmaliq KMK”AJda korrupsiyaga qarshi kurash tizimini yanada rivojlantirish bo‘yicha takliflar va tadbirlar rejasi

“Olmaliq KMK”AJ tizimida korrupsiyaga qarshi kurashish tizimining alohida ko‘rsatkichlarni Kombinat Markaziy apparati hamda va tarkibiy korxonalar kesimida yaxshilash imkonini beruvchi asosiy tadbirlar ro‘yhati Modulning 1.2.4.2. va 2.2. – bandiga biriktirildi.

“Olmaliq KMK”AJ

Komplayens bo‘limi boshlig‘i



Sh.X. Jo‘rayev